


5.11. 429



XIV

MOLITOR

1676





DE HERMIS ARTIFICIALIBUS
Aut:
I.H. MOLITOR.



TRACTATUS,

SEPTEM MINERALIUM
PLANETARUM,

Cum duplici Indice Capitulum & Rerum.


ANNO M. DC. LXXVI.

*ILLUSTRISSIMO, PER-
ILLUSTRIBUS, NOBILIBUS,
AC GENEROSIS
DOMINIS, DOMINIS.*

ILLUSTRISSIMO DOMINO
JULIO FERDINANDO
COMITI à JAROSCHIN,
Domino in Banchvitz, Güli-
chen, & Wenschovvitz,
Sac. Cæs. Majestatis Consiliario,
Camerario actuali, nec non Capita-
neo Ducatûs Wratislaviensis.

PERILLUSTRI DOMINO
FRIDER. MAXIMILIANO
à RETHÉL & HENNERSDORFF,
Domino in Schmidefelt, & Ell-
gutt Equiti aurato,
Sacraëq; Cæs. Majest. Consiliario,
& prædicti Ducatûs Wratisl. Capita-
neatûs Affessori, nec non Co-
miti Palatino.

PRÆNOBILI DOMINO
ELIÆ MICHAELI
à BACHSTEIN & FRANCKENDORFF,
Domino in Leonhartvitz, nec
non in Regio Feudo Castrensi
Kreickau & Weigvitz,
Sacraëq; Cæs. Majest. Consiliario,
& Ducatûs Wratisl. Cancellario.



Si vereri meritò poteram, ne ineptum sit, audaculumq; facinus, Viros pro plurium salute ad clavum excubantes ex improvise interpellare, Et à publicis seriisque negotiis ad madidas Thermas avocare: Illustris tamen Vestra in bonas litteras voluntas, ac prolixus mansuetiorum Musarum amor, eum mihi addiderunt

DEDICATIO.

*runt animum, ut quod facio,
intrepide facere nullus dubi-
târim. Antiquis historiae mo-
numentis asseritur, Illustrissi-
me, Perillustres, Nobiles, ac
Generosi DOMINI, DOMINI,
ab Jonicis adolescentibus ja-
ctum retis cujusdam, compa-
ratum, emptumq; sed piscium
locò tripodem aureum è maris
vorticibus eductum, eun-
demq; in contentionem voca-
tum, tandem ab oraculo Del-
phico, sapientissimo Græco-
rum fuisse primò nuncupa-
tum. Si nova veteribus, con-
sequentia antecedentibus, &
sacraminus religiosis conferre*

DEDICATIO.

licet, Tripodis hujus ratio expiscati, cum nostri partibus operis, plurimum similitudinis habere comperietur. Votivum Apollini munus è metallo conflatum traditur pretioso: Idem in Tractatu nostro, si ejus viscera penetrabitis, reperietis. Tripodem aureum è profundo Oceani sinu retis jactus hominibus impertivit: quot nobis lucubrationes in-eunda, quot labores exhauriendi, quantumq; sollicitudinis obeundum, antequam Ther-mæ nostræ eo, quo decent, modo præscribantur, ac præparentur? Verum hoc unum in-
utrumq;

DEDICATIO.

*utrumq; discrimen, quod Tri-
pus ille, simul ex retibus ex-
tractus, non parum disfidii,
cui addiceretur, excivit: Tra-
ctatus verò hic noster jure
publico donandus, necdum in-
cudi mandabatur, cùm illius
inauguratio certo certior con-
stitit & innotuit. Vobis enim,
Illultrissime, Perillustres, No-
biles, ac Generosi DOMINI,
DOMINI, has Thermas con-
secrare volui, debuiq; Tibi,
præprimis, Illustrissimo Do-
MINO JULIO, Comiti à Ja-
roschin, qui præter Nobilis
stemmatis conspicuitatem,
tantas à natura accepisti do-*

DEDICATIO.

tes ; hæc certò aliis fuit aliquantum mortalibus parcior, ut in Te unum videretur profusior ; sapientiam in omni rerum genere summa cum probitate conjunctam tenes, ut in Te procul dubio præ cunctis hoc quadrat elogium :

Quem tellure ducem Germanâ
dixero natum,
Qui mage Te variis studiis sit
artibus aptus ?

*Tibi non minus Prænobili, ac
Generoso DN. FRIDERICO
MAXIMILIANO à RE-
THEL, hunc meum laborem
donare volui, scio enim ani-
mam Tuam his summopere
dele-*

DEDICATIO

*delectari, multosq; Tibi au-
thores esse, hinc inter illos nu-
merari volui. Sed quid de
Te Prænobili DOMINO ELIA
MICHAELE à BACH-
STEIN, dicam? Sciunt enim
omnes, quod dicere volo, præ-
ter innumera alia naturæ mi-
racula Te instructissimam te-
nere Bibliothecam, è qua nu-
per liberali manu meam locu-
pletasti, vicissim igitur Tuæ li-
beralitati, si hoc tractatu non
satis fiet, cum tempore si mu-
nificentissimo Vestrarum vir-
tutum rore me aspergetis, plu-
ribus faciam. Interim verò
sitis hujus Tractatus Caput,*

DEDICATIO.

Oculus, Gemma, imò Corò-
na fulgidissima, quæ comple-
ctitur suo

Sardonychas, Smaragdos, Ada-
mantas, Jaspidas auro.

*Et Zoilos, ac Aristarchos ini-
quos, non enim defuturos il-
los perspectum habeo, Vestra
Auctoritate ultra Thulen abi-
gatis, ut Thermae nostræ non
à Theonino dente, atq; à vi-
perinis Momi insultibus tur-
bentur, sed ut claras ipsi in-
trare, ac Vobis vitam dare
possitis, nam:*

Non est, vivere, sed valere,
vita.

Valea-

DEDICATIO.

*Valeatis igitur aeternum &
felicissimè perpetuò gubernatis.*

Illustrissimi, Perillustrium,
Nobilium, ac Generosorum
DOMINORUM

*Datum Wratislavia è Mu-
seo meo, mense Octobris,
Anno 1676.*

Observantissimus

AUTHOR.

A 6

IN



IN
THERMAS
ARTIFICIALES
E SEPTEM PLANETARUM
MINERALIBUS COM-
POSITAS
AUTHORE,
JOAN. HORATIO MOLITOR,
Philosophiæ & Medicinæ
Doctore.



JOAN.



JOANNES HORATIUS MOLITOR.

Septem Anagrammata.

A Latio novis orno Ther-
mis.

Lito sanus amori, & honori.


Unio lates in amoris thoro.

Solii honor natus à merito.

Osi munio, honor alit artes.

Uniet Soli à throno amoris.

Io! sanè honos molitur arti.



A Latio Thermas Molito noli-
tur, Honori

Quas juvat artificii composuisse
manu.

Virtutem Astrorum tribuunt mi-
neralia, Solis

Indita vis, Veneris gratia, pra-
estat opem:

Jupiter instillat, format Cyllenius
artem,

Cynthia, Saturnus, Mars, co-
mitantur opus.

Orno novis, cœli dum spirat gra-
tia, Thermis,

Authoris proprium nomen ab
arte refert;

Nomina sæpè suis si sint conformia
rebus,

Magna sub hoc virtus schemate
nata latet.

Defluit ex astris virtus in viscera
terre,

Perdita quâ miseris restituenda
salus. Vest-

Vesica & renum cruciet si calculus
ingens,

Inficiat scabies si nocitura cu-
tem.

Si gravis infestet capitis suprema
catarrhus,

Atq; catachysmus pectoris ima
premat.

Dragmate sub certo medicis bis
utere Thermis,

Indita vis celerem suppedietabit
opem.

Contractis ex hoc veniet medica-
mine nervis

Subsidium, cedent ulcera, phleg-
ma, lues:

Exilium Podagra Thermarum my-
stica virtus

Insinuat, palmam chiragra pres-
sa dabit:

Matricis purgat vitium vis incluta,
philtrum,

Mitigat, ut casti prosit amoris
opus; Coli-

*Colica si teneros affligat passio ner-
vos,
Et nimio tumeat grande dolore
jecur,
Dum capitis turbant genii fomenta
dolores,
Constrictum pectus dum premit
asthma tuum,
Dum lentâ marcet corpus putredi-
ne, Thermis
Ultere, nam virtus indita præ-
stat opem:
Affertis medicum dabit experien-
tia votum,
Et dicet, felix cura coronat op9.
Has igitur foveat Thermas vene-
randa Budorgis,
Quas lubet artificii suppediâsse
manu.*

In gratiam Operis & Authoris
apposuit

EPHRAIM NASO
à LÖWENFELS.

IN-



INDEX CAPITUM.

CAPUT I.

DE Thermis Artificialibus in genere.

CAPUT II.

An Artificiales Thermæ prævalent naturalibus.

CAPUT III.

De Thermis Artificialibus ex septem Mineralibus Planetarum.

CAPUT IV.

Declaratio ingredientium Thermarum Artificialium septem Mineralium Planetarum.

CAPUT V.

Quomodo Mineralia in terræ visceribus generentur.

CAPUT VI.

Vires omnium simplicium nostras Thermas ingredientium.

ARTI-

INDEX CAPITUM.

ARTICULUS I.

De Alumine.

ARTICULUS II.

De Antimonio.

ARTICULUS III.

De Arsenico correcto.

ARTICULUS IV.

De Ferro.

ARTICULUS V.

De Nitro.

ARTICULUS VI.

De Plumbo.

ARTICULUS VII.

De Sale.

ARTICULUS VIII.

De Sulphure.

ARTICULUS IX.

De Vitriolo.

INDEX CAPITUM.

CAPUT VII.

An retineat, compositum vires
simplicium, quibus constat.

CAPUT VIII.

De virtutibus Thermarum Artifi-
cialium ex septem Mineralibus
Planetarum.

CAPUT IX.

Quæstiones nonnullæ solvuntur.

CAPUT X.

De Dispositione corporum pro
Thermis nostris in genere.





AD LECTOREM.


VT verissimum est illud, quod vulgò dicitur (amice Lector) Arist. c. 4. l. 1. de cœlo sub finem, DEUM & naturam ejus ministram nihil frustra fecisse; ita verissimum etiam, non omnem omnia scire: ille enim hoc, iste illo donô à DEO & natura acceptô gaudet, quod verò DEUS dedit, hominem invidere nefas est. Accepi per meum strenuum à juventute labo-

AD LECTOREM.

laborem in artibus liberalibus ac scientiis adhibitum à DEO TER Optimo, ac meis patronis arcanum præter alia nobile, Thermas scilicet Artificiales septem Mineralium, Planetarum, quæ, SUMMO NUMINI laus & gloria, multos ab aliis desperatos salvârunt, salvant, ac salvabunt. Cùm verò aliqui inventi, qui illas jam multis antè annis inventas esse proclamant, ut cap. 3. audies; coactus sum Tractatum hunc in lucem dare: spero, benevole Lector, te illum gratò animò susceptu-

AD LECTOREM.

pturum, quod si fiet, paucis
pòst annis illas publicatas ha-
bebis (hac enim vice mihi
non plus concessum erat) nul-
lum enim ego secretarium
agere peto, sed quæ scio, in
bonum publicum lubens
dabo. Vale.



CA-



CAPUT I.

De Thermis Artificialibus in genere.

Tot ferè Thermarum Artificialium, quot Authores, descriptiones esse, oculatus videt: si enim Leonhardi Fuchsi Scholæ Tubingens. Publici Profess. Institutiones, pervolvantur, invenientur c. 30. hæ ad coxæ dolores recommendatæ.

Rx. herb. meliloti.

chamæmel.

anethi.

sem. fœnigraci.

lini, aa. m. ij.

herb.

berb. absinth. vulg.

mentha.

pulegij.

calamintb.

abrothani.

chamæpityos.

stæchados arab.

betonice.

sampsuchi.

verbasci odor.

salvia.

chamedr. ana m. iß.

bulliant in cacabo ▽ fontanâ
quoad tertia ejusdem pars diffi-
petur, dein colentur, ▽ colatæ
adjiciatur:

Æris vivi. ℥ß.

Œtri. ℥iv.

Œlis commun. ℥vj.

Iterum ferveant unicâ duntaxat
ebullitione, ac colentur, & cola-
ta ▽ usui servetur.

Medi-

Medicina practica Hieronymi
Capiuaccii Medici, ac Professoris
Patavini lib. 1. cap. 7. has conti-
net:

Rx. *Aris vivi* lbj.

Olis lbj.

majorana.

serpilli.

stæchados.

calamintb. mont.

salvia.

betonica.

rorismar.

pulegii.

melissa. ana. m. j.

F. l. a. decoctum.

D. Joannis Michaëlis manuscri-
pta sequentes duas habent:

I.

Rx. *fol. majorana.*

prim. veris.

chamadryos.

B

cha-

chamapityos ana. m. iij.

rorismarini.

salvia. ana. m. ij.

¶ *ris vivi.* lb. iij.

¶ *tri.* lb. j.

II.

¶ *berb. serpilli.*

salvia.

origani.

chamadr.

chamapit.

fol. lauri. ana. m. iij.

rorismar.

flor. chamemill. ana. m. iij.

rad. imperat. ʒiij.

¶ *ris vivi.* lb. iij.

¶ *tri.* lb. j.

Joannis Guintherii Andernaci
commentaria de nova & veteri
Medicina ultra duodecim earum
continent formulas; idem vel si-
mile habet methodus curando-
rum

rum morborum Gulielmi Ron-
deletii, & innumerorum Autho-
rum, quorum Thermae solent vel
herbis & mineralibus simul mix-
tis, vel solum mineralibus, ut
Aere, calce, sale, nitro, &c. con-
stare; mutatâ solummodo dosi,
vel numero ingredientium se-
cundum iudicium ordinantium,
non verò secundum influxum
coelestem, quem non solum neg-
ligunt, verum inutilem esse
nonnulli pagani Practici autu-
mant, cum tamen contrarium
quotidiana experientia demon-
strat, ita ut, si hujus loci esset, vi-
vis demonstrarem; hinc etiam
est, quod nostri moderni Practi-
ci artificiales Thermas parvi fa-
ciant, ignorantes errorem in
preparatione esse, mittunt igitur
sibi commissos patientes ad na-

turales quascunque, cùm tamen illæ artificialibus longè sint inferiores; ut sequenti capite audietis.

C A P U T II.

An artificiales Ther- mæ prævaleant natura- libus?

ARtificiales præstantiores esse naturalibus non solum experientiâ constat, verùm etiam ratione evincitur; ars enim non amplius potenti naturæ succurrit, juxta illud: ubi desinit natura, ibi incipit artifex. Ita ut multa audimus, videmus, & sentimus, quæ non audiremus, videremus, sentiremus ex natura, nisi ars succurrisset. Accedit, artificiales secundum naturam & mor-

morbi & ægri, ac influxum cœlestem posse mutari, quod naturales non admittunt, sæpè quidem mutantur à natura, sed in incommodum utentium, v. g. si habuerint in venis metalla poros aperientia, quibus consumptis, vel occlusis venis, aperiuntur aliæ venæ continentes metalla, constringentia, e. gr. vena Δ rea nervos mollit, vena aluminosa adstringit. Item in anno bissextili Thermæ naturales omninò noxiæ sunt ob rationes à Paulo de Sorbait Philosoph. ac Medic. Doctore & Professore Primario Viennensi, ac Sacræ Imperatricis Eleonoræ, Viduæ, personæ, Medico, ac olim Præceptore meo venerando fol. 524. allatas. Hinc caveant post annum Thermarum naturalium amatores. Sed:

Objiciat mihi aliquis Practicus paganus: si artificiales præstantiores essent naturalibus, malè facerent multi Practici, infirmos jubentes per tam spatiosam viam Thermas naturales frequentare. Respond. pessimè facere eos, & experienciâ constat, non solùm incuratos, verùm infirmiores sæpè redire, qui deinde per artificiales ritè compositas, ac præparatas curantur, & à me multùm curati sunt; causa autem, cur nostro sæculo infirmi mittantur ad Thermas naturales, est, quòd artificiales Thermae vel malè præscribantur, ut præcedente capite insinuatum, quando nimirum non attendunt ad cursum siderum, vel benè præscriptæ malè præparantur à famulis; audiui ipse à Practico pagano,

gano, non velle balneatorem agere: ô dictum indignum Medico! nonne Galenus ipse balnea præscripsit, & paravit? pudet te parare balnea & facis stercorea? Medicus es, & pudet te medicinam facere?

Objiciat aliquis secundò: naturales curant affectus, quos artificiales non curant, & tamen non mutantur secundum cursum siderum; Quis ergò illas mutaret? Respond. primò: distinguendo antecedens: naturales curant affectus, quos artificiales sinistrè præscriptæ vel præparatæ non curant, concedo; quos artificiales dextrè præscriptæ & præparatæ non curant, nego. Respond. secundò: mutantur secundum cursum siderum à natura, quæ illas producit; sic etiam ar-

tificiales mutandæ secundum influxum siderum ab artifice, qui illas facit. Tres enim mutationes quælibet Thermæ postulant, nimirum juxta cursum siderum, naturam ægri, & morbi; primam mutationem habent Thermæ naturales, reliquas duas non; artificiales omnes tres habere possunt, hinc præstantiores sunt Thermæ artificiales naturalibus.

CAPUT III.

De Thermis Artificialibus ex septem mineralibus Planetarum.

MIneralia latè accepta, quæ nostras Thermas ingrediuntur, sunt septem, quodlibet certo Planetæ familiare, ita ut rectè

rectè Thermæ artificiales septem mineralium Planetarum vocantur; cùm verò hæ Thermæ in summo arcano adhuc sint, hinc mihi non concessum fuit, modum præparandi, nec dosin addere, sed solùm ingredientia, ac operationes publicare; siquidem nonnulli, nescio an stupidi, an docti gloriabantur, se idem scire, sed non velle praticare, cum tamen felicissimos effectus viderint, & adhuc vident. Veniebat etiam paucis antè mensibus stoicus Christianus, ut cum Helmontio loquar, ac deprædicabat, se idem scire, nihilque aliud esse, quàm calx & sulphur: Helmontius te rectè Stoicum nominavit, quia more Stoicorum agis. Sed non est hujus loci, multa cum Stoicis agere, sed ad Thermas

meas propero, quæ non (ut aliæ) vesicas trahunt, excoriant cutem, ac alia sexcenta incommoda adferunt ; sed quas sine periculo omni tempore intrare possum, & si secundum cursum siderum, naturam ægri ac morbi mutantur, felicissimos effectus edunt. Sunt autem hæc ingredientia :

℞. plumbi mei. ℥.

concreti mei. ʒ.

ferri. ♂.

sulphur. ☉.

antimon. mei. ♀.

arsenici corr. ℥.

vitrioli mei. ☿.

Hic unum addere libuit, nimirum illud, quod vides, & in ipso cœlo, ac Planetarum sphaëris intueri potes : Saturnum supremum esse, cui succedit Jupiter, huic Mars, postea Sol, quem sequi-

quitur Venus, hanc Mercurius, ultimo loco Luna statuitur. Considera velim, quòd Planetarum virtutes non ascendant, sed descendant, dat hoc in nostris Thermis ipsa experientia, quòd ex Venere non fiat Mars, sed ex Marte Venus, utpote quid inferius, sic etiam Jupiter facile transmutatur in Mercurium, quia sibi oppositi, ac Mercurius inferior Jove, vides enim Jovem secundum à firmamento, Mercurium secundum à terra, sic Saturnus primus à cœlo, Luna prima à terra, inter quos magnam correspondentiam esse non te latere debet; Sol medius est, ideoque se omnibus miscet, sed nunquam per inferiores melioratur. Sciunt quidem nonnulli & ipse vidi (ac fieri posse D.D. Philippus Jacobus

Sachs à Levvenheimb, in Miscel-
 laneis primi anni observat. XVII.
 de auro chymico, ex diversis au-
 thoribus ostendit) ferrum in
 cuprum, seu Venerem mutare,
 sciunt è Jove facere Mercurium,
 sunt etiam, qui è Saturno confi-
 ciunt Lunam, sed eorum labor
 ab eo, qui in nostris Thermis exi-
 gitur, longè diversus est; si enim
 hoc modo procedere velis, prout
 illi, scias quod nihil aliud efficies
 nisi unicum metallum, quod si in
 pulverem mutes, ac s. q. butyri
 vel axungiae porci cum modico
 farinae & sacchari permiscebis,
 habebis medium certissimum
 occidendi quodcunque animal,
 maximè verò mures ac glires.
 Experimentum factum, dum An-
 nò 1673. 14. Martii Bononiam
 civitatem ac universitatem cele-
 ber-

berrimam secundâ vice visita-
rem, unus ex intimis meis (cujus
nomen Antonius Tory erat) cùm
se occasio offerret, (Chymicus
enim excellens in eadem domo
habitabat) nostras Thermas juxta
novum processum, quem Vene-
tiis à nonnullis in transmutandis
metallis, vidit, parare conaba-
tur, mutavitq; unum in alterum
(quem laborem summo sudore
intra 14. dies absolvit) produxit
ultimò materiam partim albam,
partim citrinam, quam cum in
pulverem redegissemus, volen-
tes manè per liquorem solvere,
nos ad cœnam contulimus: cùm
autem vitrum, nescio quo casu,
quod pulverem custodiebat,
frangeretur, ac hoc modo reli-
ctus in terra pulvisculus usque
ad crastinum, more consueto

mures ac glires cubiculum visi-
tantes (erat enim domus peran-
tiqua non procul della chiesa di
San Domenico) ac de novo cibo
gustantes, manè ultra 10. inveni-
mus publicè jacentes, sine illis,
qui de die in diem hinc inde in-
veniebantur; quod nos cum no-
vum docuisset, nil amplius ex
hoc pulvisculo facere conati su-
mus, sed divisimus & adhuc de
illo apud me fervo, de quo plura
adderem, sed conor ad declara-
tionem ingredientium no-
strarum Thermarum
properare.

CAPUT IV.

*Declaratio ingredi-
entium Thermarum artificia-
lium septem mineralium
Planetarum.*

I.

Plumbum meum est mistura
chymica plumbi cum alu-
mine.

2. Concretum meum est mi-
stura chymica Δ ris cum
nitro.
3. Ferrum præparatum ac in
subtilissimum pulverem
reductum.
4. Sulphur, scilicet vivum,
ætiam juxta Quercetanus
æmulatur Solem.
5. Antimonium meum est mi-
stura chymica antimonii
cum sale.
6. Ar-

6. Arsenicum correctum, hoc modo præparatum, ut etiam intra corpus sumptum non noceat; ut audies c. 6. art. 3.

7. Vitriolum meum est mistura chymica vitrioli, salis & nitri.

Si præparare noveris, bene erit, à me nil addifces, nisi fueris consummatus Astronomus, Philosophus, ac Medicus. Astronomus, ut scias quantum unus ab altero, hac vel illa hora, distet Planeta, v. g. si ☉. & ♃. in eodem gradu sint, æqualem postulant dosin, plura non audeo. Philosophus, ut scias naturam cognoscere. Medicus Dogmaticus, non Methodicus, qui paucis generalibus regulis contentus, experientiæ omnem derogat fidem: nec

nec Empiricus, qui soli experientia innititur: nec purus Paracelsista, qui Theophrastum Paracelsum secutus, omnia ferè in medicina ex sale, Φ re & Mercurio deducit, & veterem medicinam planè rejicit: sed Dogmaticus, seu rationalis, qui rationem cum experientia jungit, non quidem ut simpliciter Græcos & Arabes sequatur, sed ut Dogmaticam medicinam Spagyricæ prudenter jungat; prior enim ducet te in cognitionem ideæ morbi ac methodum curandi, posterior verò docebit te præparandi modum. Nunc ut vires simplicium Ther-
 mas nostras ingredientium
 declarentur, neces-
 se est.

CAPUT V.

*Quomodo mineralia
in terræ visceribus ge-
nerentur ?*

ANtequam ad virtutes simplici-
um Thermas nostras in-
gredientium veniamus, dicere
oportet primò aliquid genera-
tim, quomodo mineralia in
terræ visceribus generentur, ut
dein facilius in cognitionem eo-
rum veniamus; producuntur au-
tem mineralia hoc modo: Post-
quam quatuor Elementa virtutes
suas projiciunt in terræ centrum,
eas Archæus destillando sublimat
calore motûs perpetui in terræ
superficiem: est enim terra po-
rosa, & ventus stillando per po-
ros terræ resolvitur in aquam, ex
qua

qua res nascuntur omnes. Sciant igitur sperma mineralium diversum non esse à spermate rerum omnium, scilicet vaporem humidum; ideò frustra laboraret, qui mineralia nostras Thermas ingredientia in materiam primam (ut ante menssem nobilis Dominus, Paracelsista insignis, cum meas inspiceret Thermas, arbitratus est) reducere conaretur, siquidem illa tantum vapor est. Philosophi autem, dum de reductione in materiam primam scripta posteritati mandarunt, non intellexerunt talem materiam primam, sed illam, quam nos materiam secundam vocamus, sicuti Bernardus Trevisanus optimè disputat, quamvis non ita lucidè, quia de quatuor Elementis loquitur, nihilominus id dicere voluit.

Dixi

Dixi superius, sperma mineralium diversum non esse à spermate rerum omnium; Errant igitur, qui opinantur Saturnum habere aliud semen, ferrum quoque aliud, & sic cōsequenter reliqua. Idem enim in Saturno, quod in ferro, idem in Luna, quod in Mercurio invenitur; causa autem diversitatis est locus terræ diversus, quando enim ex terræ centro sublimatus vapor ille, transit per loca vel sicca, vel calida: si igitur transit vapor per loca calida & pura, ubi pinguedo sulphuris parietibus adhæret, vapor ille, quem Philosophi Mercurium vocant, accommodat se, & jungitur illi pinguedini, quam postea secum sublimat, & tunc fit unctuositas, relicto nomine vaporis, accepit nomē pinguedinis, quæ

quæ postea veniens sublimando ad loca alia, quæ jam vapor antecedens purgavit, ubi est terra subtilis, pura & humida, implet poros ejus & jungitur illi, & sic fit Sol: si verò talis terra pura sit & mixta Δ ri, fit Venus, & sic de reliquis. Quò enim magis depuratus locus est, eo nobiliora producit: nam sciendum est, quòd ille vapor continuò egrediatur ex centro ad peripheriam, eundo purgat loca: inde fit, quòd hodiè reperiantur mineræ in locis, ubi antè mille annos nullæ fuerunt, (idem de Thermis intelligendum) nam progressu suo semper subtiliat crudum impurum, purum successivè secum trahens; & hoc modo fit reiteratio & circulatio naturæ, quæ ne momentum temporis otietur. Et hæc de genera-

nera-

neratione mineralium breviter
scripſiſſe ſufficiant.

C A P U T VI.

*Vires omnium ſim-
plicium noſtras Thermas
ingredientium.*

SI ingredientia noſtrarum
Thermarum particulatim
conſideremus, erunt numero no-
vem, nimirum: Alumen. Anti-
monium. Arſenicum. Ferrum.
Nitrum. Plumbum. Sal. Sulphur.
Vitriolum. Perpendebimus hinc
virtutes eorum in particulari,
prout ſunt extra compoſitum,
prouterunt in compoſito conſi-
derabimus ſequenti Capite. Diſ-
tinguemus autem hoc Caput in
novem Articulos.

ARTI-

ARTICULUS I.

De Alumine.

A Lumen est salsugo terræ, vim habet excalefaciendi, stringendi, & expurgandi, quæ caliginem pupillis oculorum offendunt, genarum carnem, cæterasque excrescentias extenuat. Putrescentia ulcera compescit: sanguinis fluxiones inhibet: gingivas humore prægnantes comprimit: motus dentium firmat. Prodest ulceribus oris, eruptionibus papularum, & fluxionibus aurium. Convenit pruritui, & unguium scabritiis, pterygiis, & pernionibus. Ad pediculus, ambusta, tumores, & grave alarum, inguinumque virus auxilio est. Discoridis hæc sunt: omnes aluminis differentia (quas vide apud
alios

alios authores) ulcera satis exsiccant generose adstringentes.

ARTICULUS II.

De Antimonio,

ANtimonium est corpus minerale, naturæ metallinæ finitimum, dicitur & stibium; de ejus viribus Quercetanus in de trad. cap. 31. ita scribit: in antimonio sunt sexcentæ proprietates, variæ ac præstantes, ut: præparantes, expurgantes, vomitiones concitantes, & id genus alia, ut nunquam satis laudari queat hoc medicamentum. Credo adhibuerunt veteres vim adstringendi, exiccandi, meatus corporis obstruendi, excrescentias carnis absumendi, cicatrices obducendi, ac ulcera mundificandi.

ARTI-

ARTICULUS III.

De Arsenico correcto.

UTi arsenicum incorrectum ob vim exitialem nullo modo usurpandum est ; Sic correctum ob aureas, quas habet virtutes (modum corrigendi hac vice adhuc apud me retineo) non solum externè, verum etiam internè (quod etiam cognovit Joannes Schröderus in sua Medico-Chymica Pharmacopœia fol. 498. dum ita scribit: verum enim verò nec facultatibus caret utilibus, scilicet arsenicum, quas intrinsecus in curanda peste, reliquisq; venenatis affectibus, ut & in scabie maligna, cana rosa, &c. conferre potis est, modò, qua decet, ratione præparetur) felicissi-

C

mè

mè usurpari potest, curat enim non solum tutò & jucundè, verum etiam citò ob sulphureas quas accipit vires. Excalefacit igitur, discutit, & celeriter concoquit. Prodest tussibus, suspiriosis, purulenta extussientibus. Lichenas, scabiem aufert. Ad lepras efficax est. Vitilignes tollit. Pruritus toto corpore erumpentes sedat: regium morbum emendat; facit ad gravedinem & destillationes, podagricis conducit: gravitatem auditus sanat. Lethargicos excitat.

ARTICULUS IV.

De Ferro.

Diversis ferrum dotatum est viribus: adstringendi scilicet, & aperiendi. Constat enim
ex

ex Mercurio & sulphure minùs
 liquabili, crudiori, seu si mavis,
 ex Δ re & sale, quæ partibus ter-
 reis immixta sunt. Vis igitur ape-
 ritiva in volatiliori potissimū re-
 sidet parte, ac proinde in sale: vis
 adstrictoria in fixiori, adeoque
 in terra latitat. De his, qui ul-
 terius erudiri cupit, adeat pro-
 blem. Horst. decad. 7. q. 2.

ARTICULUS V.

De Nitro.

Nitrum, Baurach Arabibus,
 Chymicis cerberus chymi-
 cus, vim habet putredini resisten-
 di, sitim, ac æstum compescendi,
 tartaream saburram incidendi,
 coagulatos sanguinis grumos re-
 solvendi, dolores mitigandi, hu-
 mores evocandi, qui in alto con-

creverunt. Præterea tormina sedat. Lepras abstergit. Inflationes, purulentas aures, & sonitus earūdem sanat: Sordes expurgat. Canum moribus medetur. Furunculos aperit: oculis ad claritatem visūs succurrit. Calculum renum & vesicæ prohibet. Aperit obstructions hepatis ac mesenterai. Plura vide in pharmacia bipartita Theodori Corbeji Med. D. Hervordienſis fol. 432.

ARTICULUS VI.

De Plumbo.

ETſi plumbum ſit metallum viliffimum, ac Saturno conſecratum, eo quod lienofis affectibus (quibus & Saturnus dominatur) ſuccurratur, attamen multis auxilio fuit. Refrigerat enim,
ad.

adstringit, incrassat, libidinem reprimi, ulcera carnibus implet, cicatrice obducit, excrecentiisque liberat, ulceribus cheroniis, quæ vocant, malignis, cancris, & putredinosis summopere convenit.

ARTICULUS VII.

De Sale.

SAl, inquit Quercetanus, est corpus siccum, dissolvendi, detergendi & evacuandi vim habens. Salis enim natura in commune perquam utilis est: adstringit, abstergit, expurgat, dissipat, reprimi, extenuat, & crustas inducit, quin & à putredine vindicat, pforas abstergit, excrecentia reprimi, pterygia consumit, cæterasque carnis extuberationes

tollit. Discutit lassitudines, ac hydropicorum tumores: dolores mitigat, & pruritus sedat. Dioscorides hæc scribit: Sal humores supervacuos tenuat, & absorbet, & quidquid in corporibus præter naturam humidum est, id totum absumit, reliquam solidiorem substantiam cogit, contrahit, & impensè exiccat, & à putredine vindicat, gingivas humidiores, aut putrescentes per sanat: oedemata & hydropicorum tumores minuit, laxatos, & podagricos juvat: pruritus, lichenas, lepras, pforasque & ulcera serpentia fortu compescit. Fernellius meth. medendi lib. 6. cap. 8. inquit, sal commune convenit in cruditatibus ventriculi, appetitu prostrato, obstructionibus alvi & urinæ, colicis obstructionibus, &c. Plu-

ra invenies apud eundem citato loco, & apud Joannem Schröderum in sua Medico-Chymica Pharmacopœa, fol. 464.

ARTICULUS VIII.

De Sulphure.

Sulphur seu resina, sive pinguedo terræ calidum & siccum est pectori dicatum; aperit, incidit, putredini, veneno, venenatorumque animalium morsibus resistit, provocat sudorem; conducit in phthisi, tussi, asthmate, peste, pestilentialibusque febribus; discutit tumores duros, sanat lichenes, pruritum corrigit, epilepticos ac hystericas juvat, tantasque habet vires, ut benè à Quercetano igni conferatur, ac in Thermis nostris Soli

dicatur, quas ut sciatis, dum ego chartæ & atramento parco, vos ad alias Authores relego.

ARTICULUS IX.

De Vitriolo.

Vitrioli usus tantopere fructuosus existit, ut Paracelso (in naturalibus) ac Phœdroni tertia pars Medicinæ habeatur, imò totam officinam in eo latitare prohibet. Calfacit enim, siccatur, adstringit, crustas inducit, latas ventris tineas necat, vomitum ciet, purgat caput. Calculum ac remoratum urinam, teste Galeno, pellit. Asthmaticis quoque & suspiriosis convenit, limosos, rubiginosque dentes purgat, & nitidos reddit: ulcera maligna & sinus, injectum curat. In summa,

ma, ad multa utile est medicamentum, & qualis ejus erit præparatio, talis sequetur effectus.

CAPUT VII.

An retineat compositum vires simplicium, quibus constat?

PRiusquam ad vires ingredientium Thermarum nostrarum, prout sunt in composito, declarandas progrediamur, quæstio primò decidenda erit, an nimirum compositum retineat vires simplicium, quibus constat? Sunt, qui omninò contrarium probare conantur, ac in medium producunt Theriacam ac Methridatium, aliasque magnas confectioes, quæ longè diversas ab

ingredientibus seorsim sumptis habere virtutes quotidiana demonstrat experientia, est mihi ipsi pulvis alexipharmacus, cujus ingrediētia, si seorsim sumantur, nullo modo pellunt venenum, movent sudorem, appetitum, excitant, adstringunt, &c. si verò ut compositus 38. exhibeatur, venenum omne pellit, sudorem copiosissimum movet, nullam post se debilitatem, vel intemperiem relinquens, appetitum excitat, fluxum symptomaticum inhibet, criticum verò finit, ac sexcenta alia commoda præstat pulvisculus iste nunquam satis laudabilis, quo multi cives in nostra hac Wratislaviensi civitate laqueis mortis evaserunt, inter quos non ultimum locum habet civis ac Bibliopegus Senior, Georgius

Zimmermanni/Vir Annorum 56.
 qui hoc pulvisculo ac paucis aliis
 medicamentis à me exhibitis, à
 variis symptomatibus nuper li-
 beratus ac sanus vivit, vivatque
 homo optimus. Idem factum ar-
 culario Wenceslao Benisch, in
 domo prænobilis Domini Mar-
 tini Francisci Molitor in Camera
 Cæsareæ, Regiæque Majestatis
 Wratislaviensi Concipistæ, Do-
 mini parentis mei honoratissi-
 mi, habitanti, ac Mariæ Bressii
 penes Burgum famulanti, mul-
 tisque aliis, quos ob defectum
 spatii silentiò prætereo, ac ad
 quæstionem meam redeo; con-
 trarios enim huic sententiæ jam
 audio murmurantes, dicendo:
 Compositum habere vires sim-
 plicium, quibus constat; Probant
 ex Galeno 10. ad Glauconem, qui

individuo vētriculum frigidum, hepar calidum habenti propinat ptisanam cum pipere, & quibus utrumque affectum simul tollit (piper enim grosso modo contuso diu hæret in stomacho, ipsumque calefacit, neque hepati nocet; Ptisana verò, ut medicamentum liquidum, citò transit ad hepar, ipsumque contemperat) quod non fieret, si compositum non retineret vires simplicium.

Ad conciliandos authores dico: compositum aliud esse cum perfecta unione simplicium inter se, aliud cum simplici mistione, illi de primo, isti de secundo intelligendi sunt; cum verò nostræ Thermæ sint compositum, habens perfectam unionem simplicium inter se, hinc etiam diversos edunt effectus, quàm simplicia

cia seorsim sumpta, quos sequen-
ti capite audies. Pro coronide
hujus capitis

Quæres : cur ii, qui calidum
jecur habent, stomachum ple-
rumque frigidum obtineant? Re-
spond. tum quia major calor dis-
sipat & attrahit minorem ; vel
quia qui sunt calido jecore præ-
diti, cum tempore fiunt hypo-
chondriaci, multis obstructioni-
bus laborantes, à quibus chylus
impeditur, ob idque magna phle-
gmatis copia in primis viis cu-
mulatur, vel ipsius stomachi ve-
næ, à porta oriundæ, frigido &
melancholico scatent sanguine,
unde frigidus semper est stoma-
chus. Qui hoc affectu, nimirum
frigido ventriculo ac calido he-
pate laborant, sæpè incurrunt in
rheumatismum, quem ob dolo-

res arthriticis simillimos, multi pro podagra habent, quod præterito vere in Nobili Domino Joanne à Strachvitz, studio naturali operam dante, verificatum, dicebatur enim à Medico, cujus curam tunc temporis adhibebat, ubique podagrâ laborare, optimus juvenis 17. annorum. Quod falsum esse, ut cognoscas, placet subjungere descriptionem à Paulo de Sorbait, Philos. ac Medic. Doct. & Professore Primario Viennensi, Sacræ Imperatricis Eleonoræ, Viduæ, personæ Medico, ac olim Præceptore meo honoratissimo traditam: quæ ita sonat: Rheumatismus fit, dum non tantum articuli, ut in podagra, sed etiam ipsi muscoli & iis adjacentes partes, summas habent vellicationes, & dolores arthri-

thriticis simillimos : dum nempe ex jecoris imbecillitate copiosi, iiq; serosi, generantur humores, qui primitus ad caput adscendunt, ac deinde totum corpus irrigant : neque ullum ob tenuitatem humor iste facit tumorem, (quamvis nonnunquam conspicitur) neque facile suppuratur, ob ineptitudinem ; uti plerumq; est variolarum materia. Non tamen negaverim, etiam immediate à jecore ad ambitum corporis protrudi posse humorem hunc serosum, si nec capitis, nec occipitis, nec colli, aut scapularum, præcesserit dolor : plerumque tamen ob tenuitatem, primum in caput sublimatur, deinde cadit in subjectas partes, in quibus universalem dolorem, eumque vagum excitat.

CAPUT VIII.

*De Virtutibus Ther-
marum artificialium ex se-
ptem mineralibus Pla-
netarum.*

AUdivistis in superioribus
virtutes simplicium, nostras
Thermas ingredientium, prout
sunt extra compositum; prout
sunt in composito, in hoc capite
tractandæ veniunt.

Sciendum primò est, nostras
Thermas in genere omnes ner-
vorum & articulorum dolores,
matricis affectus, paralyfin, cal-
culum renum ac vesicæ, cathar-
ros ac rheumatismos curare. Et si
augeatur dosis mineralium Pla-
netarum calidorum & siccorum:
intemperiem frigidam ac humi-
dam

dam corrigent, omnesque morbos ex pituita natos auferent.

Præter hos effectus in genere enumeratos, multos alios edit, si nimirum hoc vel illud minerale, hâc vel illâ horâ (quodlibet enim minerale certo tempore pro nostris Thermis, ut sæpè dictum, præparandum est) augeatur & præparetur.

Si enim primum minerale in hora Saturni præparetur, ac ejus dosis in composito augeatur, utiles sunt ventriculo, lieni, renibus succo crasso ac viscido repletis. Profunt colicis, auxilium adferunt in exulcerationibus vesicæ.

Si secundum minerale in hora Jovis præparetur, ac ejus dosis in composito augeatur, profunt difficilè spirantibus, & asthmaticis,

ticis, anasarca, ictero, uteri morbis, albo potissimum fluori. Conceptionem juvant, ac sterilitatem remonent. Caninae appetentiae succurrunt.

Si tertium minerale in hora Martis præparetur, ac ejus dosis in composito augeatur: Gonorrhoeam curant; Profunt mulieribus, quæ immodicè purgantur, & iis, quæ sine manifesta causa crebrò abortire consueverunt, medentur etiam externis ulceribus, quæ fluxionibus abundant, nec non nervis resolutis, & iis, qui tardiùs concoquunt.

Si quartum minerale in hora Solis præparetur, ac ejus dosis in composito augeatur: sanguinem concretum dissolvunt, corpus minuunt, & ad maciem ducunt; profunt ventriculo frigido & humido,

mido, scabiem ex pituita natam sanant, si necdum expulsa, pruritum excitant, quem post aliquot dies rursus sanant, philtrum infallibiliter curant. Illarum vapor gravitatem capitis, & aurium dolores, ex pituita natos corrigi.

Si quintum minerale in hora Veneris præparetur, ac ejus dosi in composito augeatur: malum corporis habitum, qui ex pituita emendant, profunt nervorum vitiis, thoraci, qui destillationibus infestatur: cutem emendant, & scabiem sanant intra octo dies, ac flatu discutiunt.

Si sextum minerale in hora Mercurii præparetur, ac ejus dosi in composito augeatur: profunt nervi tensis, contractis, tremulis & eorum dolores sedant:

ar-

artuum tumores evocant, & discutunt. Medentur ergò podagræ, chiragræ, coxendicum, aliorumq; articulorum morbis. Pellunt etiam dolores jecoris, lienis, uteri, & eorundem tumores discutunt, lentigines tollunt, impetigines & vitiligines emendant.

Si septimam minerale in hora Lunæ præparetur, ac ejus dosi in composito augeatur, memoriam confirmant, capitis doloribus conferunt, visum, auditumque acuunt, fracturisque ossium opitulantur. Et hæ sunt virtutes ac operationes Thermarum nostrarum breviter expositæ, si enim omnes eo modo, quo debuissent, exponendæ fuissent, in ingens hic Tractatus excrevisset volumen.

Quæres: quid ex Thermis nostris fiat, si eo modo ac eo tempore, quo debuissent, non præparentur, & quo signo cognoscantur Thermæ legitimè præparatæ ab illegitimis? Respond. si eo modo non præparentur, produci poterit pulvis, cujus cap. 3. mentio facta est; si verò non justo tempore fiant, accipies chaos nullius virtutis; legitimæ ab illegitimis cognoscuntur è duratione: legitimæ enim durabunt ultra annum absque corruptione, si in temperato aëre custodiantur; E contra illegitimæ vix per octiduum durant, & si diutius illas servare labores, periculum erit, ne aërem inficias ac pestilentialem reddas, ob foetorem, quem spirant. Hinc admoneo illos, qui artem præparandi nostras

stras Thermas ignorant, non in
iis elaborandis defudent, potius
enim expensas, quas in labore il-
larum facere velint, coronæ stra-
mineæ (cauponi dico) donent ac
calidum suum confortent, siqui-
dem hoc non solum ipsis melius
conducat, verum etiam proximi
periculo aëris pestilentialis vaca-
bunt; qui fidem adhibere no-
lunt, proprio damnò experire
possunt.

CAPUT IX.

Quæstiones nonnul- lae solvuntur.

EXposui in antecedenti Capite
vires nostrarum Thermarum
ea brevitate, qua potui. Nunc
nonnullæ in hoc Capite quæstio-
nes

nes solvendæ veniunt præcedens
Caput attingentes. Hinc:

Quæres I. an securè catharris
obnoxii, catharrum hîc strictè
fumo, prout nempè fluxus est ad
pulmones & ventriculum de-
cumbens: in genere enim quæli-
bet fluxio catharrus dicitur, & si
ad nares, coryza; si ad fauces,
bronchos; qui in extimas cor-
poris partes rheumatismus, &c.
quod à Gerardo his versibus ex-
primitur:

*Dum fluit ad pectus dicetur
rheuma catharrus;*

*Ad fauces bronchos; ad nares
dico coryzam.*

An inquam securè catharris
obnoxii Thermas nostras intrare
possint? Quamvis multos mihi
contrarios scio, me minimè ad-
mirante, cœcus enim de coloribus

bus judicare non potest; dico
 omninò, securè posse illas intra-
 re, & hoc feliciter hoc anno 1675.
 12. Septembris in cive ac Biblio-
 pego Seniori, Georgio Zimmer-
 mann/Viro 56. annorum, nostris
 Thermis utente, ac tunc tempo-
 ris variis morbis grassantibus, di-
 cto die, manè circa horam quar-
 tam in catharrum non conte-
 mnendū, ita ut vox aliquomodo
 impediretur, incidit; Cū au-
 tem vesperi cōstitutum esset, di-
 cto manè septimā vice ob calcu-
 lum & affectum arthriticum no-
 stris Thermis uti, dubius horā se-
 ptimā manè mittebat ad me in-
 terrogatum, an liceret illi Ther-
 mis nostris uti in tam enormi ca-
 tharro? Ego cū scirem, à me
 ante usum Thermarum illius
 corpus optimè præparatum esse,
 omni-

Omniñò concessi, quod cum factum esset, vix spatio unius horæ in illis sedens omnis catharrus evanuit, quod apud Dominum Caldenbach, multosque alios summâ admiratione narravit; quod idem multis aliis in nostra hac VVratislaviensi urbe accidisse notum est, quorum nomina ob certas rationes non publicanda censeo.

Quæres 2. de colicis, quomodo nimirum primum minérale, quod plumbum statuitur, tantam vim externè habeat, flatus ac dolores colicos discutienti, cum tamen de hoc, cap. 6. art. 6. de plumbo, nil dictum sit? Respond. cap. 7. quæstionem hanc solutam esse, dum compositum perfectam habens unionem, diversas à simplicibus seorsim

fim sumptis obtinere virtutes,
 probatum est; præterea nostrum
 plumbum quoniam præparatur
 cum Sulphure, magnam vim dis-
 cutiendi acquirit, ita ut non so-
 lum nostræ thermæ dolores ac
 flatus colicos discutiant; verum
 etiam arthriticum morbum, quī
 per humorum metastasin sæpē
 colicis accidit, prohibent; uti
 etiam paralyfin orientem ab ea-
 dem humorum metastasi, qui ab
 intestinis spinæ dorsī, & nervis
 communicantur: & cū non
 tantum sint biliosi sed mixti;
 non contracturam tantum, &
 ingentes pariunt dolores; sed
 etiam resolutionem nervorum,
 ob pituitosos, & serosos humo-
 res, unā cum bile ad nervos dela-
 tos, excitant: à quibus omnibus
 nostræ thermæ colicos præfer-
 vant.

Quæres 3. an benè assertum sit, thermas nostras icterum curare, si secundi mineralis dosis in composito augeatur, Avicennas enim 15. cap. 6. ictericis balneum & motum, prohibet? Respond. affirmativè; Avicennas de balneo non absolutè, sed excessivè calido, in ictero à causa calida, intelligendus est; idem de vehementi motu censendum. Alii enim practici in ictero balneum abstergens ex decocto hordei & pisorum præscribunt, quod idem facit Paulus de Sorbait fol. 369. quod tamen nostris thermis longè est inferius.

Quæres 4. an nostræ thermæ etiam convenient in morbo scorbutico, & qualis ille sit? Respond. affirmativè, intelligitur enim sub malo corporis habitu,

adhibitis tamen etiam internè
 antiscorbuticis; Scorbutus au-
 tem est prava & occulta qualitas
 seu dispositio toti corpori, præ-
 cipuè verò lieni, & visceribus
 nutritioni dicatis, impressa ab
 humore melancholico, seroso,
 seu ichoroso, peculiari modo
 corrupto orta, cum spontaneæ
 lassitudinis & gravitatis, in cruri-
 bus præcipuè, sensu, pectoris an-
 gustia, respirationis difficultate,
 gingivarum corruptione, & oris
 graveolentia, ac maculis purpu-
 reis, in cruribus inprimis; aliisq;
 morbis ac symptomatibus pluri-
 bus, ab eadem causa pendentibus,
 conjuncta; De quo cum in-
 tegrum propriâ manu ac labore
 conscriptum teneam tractatum,
 nunquam antehac in lucem edi-
 tum, hîc duntaxat obiter illius
 men-

mentionem facere volui, quem, volente DEO, partim quia in nostra VVratislaviensi urbe plurimos cerno scorbuto infectos, partim quia multi chirurgi illum pro morbo Gallico habent, uti non diu, hîc VVratislaviæ, quendam scorbuticum ab imperito chirurgo quodam (cujus nomini parco) sudoribus & mercurio præpostere tractatum, & ferè animam agentem, è mortis faucibus eripui, in lucem daturus sum.

Quæres 5. an nullum præstantius remedium contra calculum his thermis detur? Respond. vendebatur ab Anglo quodam centum aureis sequens contra calculum præstans medicamentum. Recip. Salis urinæ micro-

D 3 cosmi-

cosmicæ q. s. cui affunde succ.
limon. ad eminentiam duorum
digitorum, stet infusum donec
dissolvatur, deinde coagula, idq;
ternis vicibus repete. Dosis est
quantum cuspidē cultri teneri
potest in vehiculo convenienti.
Nobile etiam medicamentum
contra calculum habetur inven-
tum, ac diu pro arcano à Paulo
de Sorbait Philosoph. & Medic.
Doct. &c. habitum illud :

Recip. pomorum aurantior.

*Limon. succulent. ana nostræ xij.
cassia r. extract. lbjß.*

Incidantur limones unâ cum
corticibus, seminibus, & pulpa,
contund. hisq; cum cassia mixtis
superaffunde feri lactis capr.
lbj. stent in infusione 24. horis;
deinde fiat destillatio in organis
vitreis: destillatum dulcoretur
pau-

paucosaccharo. Hæc est (inquit inventor) illa aqua pretiosissima, hæctenus à me pro arcano habita, nunc verò ex charitatis liberalitate effusa, & proximis bono dicata, cui non est similis: hæc siquidem temperatissima est, nec uti reliquæ, renum intemperiem auget, aut alvum adstringit, sed eam tenet apertam, & paulatim omnem arenarum saburram everrit, vimq; lapidificam, & omnem intemperiem tollit: hæc ille. Verùm multoties prædicta, ambo enim parata teneo, efficacia inveni, ac pro illis ingentes tam in verbis quàm in nummis, recepi gratias, attamen ubi illa penetrare non potuerant, thermæ nostræ penetrarunt, ita ut nullum præstantius illis contra calculum inveniatur remedium.

Quæres 6. cur dicantur philt-
 rum infallibiliter curare? Re-
 spond. quamvis hoc in sulphu-
 ream, quam habent virtutem,
 qua humorem frigidum cras-
 sum, qui melancholicus dicitur,
 calefaciendo attenuant, rejici-
 endum esset, attamen etiam ha-
 bent specificum quid, miracu-
 losè enim in dicto morbo ope-
 rantur, quod, omisiss aliis, atte-
 stari poterit Adamus Grigosch,
 Theologiæ studiosus, tunc tem-
 poris post canonicatum habi-
 tans, cùm Anno 1675. 3. Febr.
 philtro enormi correptus, ne-
 scio à qua in vino adusto, pro-
 pinato, ita ut ob vehementia
 symptomata, à multis pro de-
 sperato haberetur; ex fato au-
 tem me vocârunt, quem, ut bo-
 no animo esset, jussi, ac reliqua,
 quæ

quæ melancholiam causant, interdixi. 3j. fl. hyperici ex ∇ magnanimitatis propinavi, dein aliis medicamentis corpus per integrum mensem disposui, ut ad thermas aptum redderetur, quo facto thermas nostras ingressus, ac fortior egressus, vix diem alterum, ut mihi referebat, expectare potuit, tantam enim, inquebat, in Excellentis D. Doctoris thermis sentiebam voluptatem, ut nihil aliud optarem, nisi ut illam verbis exprimere possem; quietissimus hac nocte eram, & quamvis sexties evigilassem, hoc tamen non ex morbo (singularem enim non amplius sentiebam dolorem) sed ex desiderio thermarum esse judicabam, tempus enim illas intrandi adesse arbitrabar, &c.

Quæres 7. an thermæ nostræ tantum gonorrhœam in factō esse curent, an verò etiam illam in fieri: hoc est: an non solum gonorrhœam curent, sed etiam ab illa præservent? & an possit fieri gonorrhœa absque contactu venereo? Respondi thermas nostras non solum gonorrhœam curare, verum etiam ab illa præservare; non autem semper gonorrhœa à contactu venereo oritur, ut multi autumant, ac sanctos homines castitatem spondentes injuriant, digni essent tales injuriantes, ut supra illorum dorsum mortuus bos, ut cum Plinio loquar, equitaret; fit enim sæpè ob intensum veneris desiderium, quo renum adeps liquefit; vel etiam ob re-
 trahentis debilitatem; vel ob resolutionem.

Quæ-

Quæres 8. an furor uterinus etiam inter affectus matricis, quos thermæ nostræ pellunt, numerandus sit, & quomodo distinguatur ab hysterica passione? Respond. furorem uterinum omninò numerandum inter affectus matricis, quibus nostræ thermæ auxilio sunt, valent enim acrimoniam sanguinis & seminis corrigere, quæ est vera causa hujus affectus; differt autem hic affectus ab hysterica passione, quod hæc à sanguine corrupto, & maligna quadam narcosi; ille verò à semine copioso, acri & calido, originem trahant; quo affectu communiter fœminæ, virgines, dico, & viduæ, ac philtratorum, seu ligatorum & impotentium uxores, nisi à pseudomedicis, quorum nume-

rus infinitus est, præservantur, laborant, quæ etiam ex colore rubicundo, labiis siccis & fissuras habentibus, quoniam hæc matricem siccam esse significant, cognoscuntur, tales enim salaces esse solent.

Quæres 9. quomodo nostræ thermæ sterilitatem removeant, & qualis, ad vitandam sterilitatē, debeat esse proportio inter maritum & foeminam? Respond. nostræ thermæ exsiccando superfluos humores uteri, removeant sterilitatem; talis autem debet esse proportio inter maritum & foeminam, qualis desideratur ab Aristotele 1. de generatione animalium, & 2. de anima: utpote, ne mulier sit maximè phlegmatica, & vir cholericus; vel vir melancholicus, & mulier fan-

sanguinea : taliter enim ob nimiam improportionem oritur sterilitas à nullo nisi pseudomedico curanda : deinde vitanda est magna ætatum & sanitatis disproportion : si enim vir sit annosus & cachecticus, absque dubio generabit semen aquosum, quod in utero non faciet moram, sed brevi diffluet. Et hæc captivitatem matrimonialem ingredi desideranti accuratè prius pensanda sunt.

Quæres 10. an utero gerentes nostris thermis uti audeant, & quæ potissimum causæ sint abortûs? Respond. omninò securè nostris thermis uti possunt, maximè si sequentes duæ causæ, quæ potissimū abortum faciunt, primò auferantur. Sunt autem plethora & cacochymia, hæc est hu-

morum excessus in qualitate, illa
 in quantitate; hic corrigitur ve-
 næsectione, ille purgatione; ve-
 næsectio primis mensibus cele-
 branda, quibus fœtus tanto ad-
 huc non eget alimento. De pur-
 gatione audiendus est Hippocra-
 tes 4. aph. 1. ita inquit: mu-
 lieres in juniori & seniori fœtu
 cavere purgationem oportere.
 Item: Utero gerentes sunt me-
 dicandæ, si materia tuget, quarto
 mense, & usque ad septimum.
 Tunc temporis enim fœtus ute-
 ro fortius adhæret. De reliquis
 abortûs causis vide sexcentos au-
 thores, qui de hac materia scri-
 pta posteritati reliquerunt. Cœ-
 teras quæstiones, si quæ erunt, in-
 genio vestro solvendas relin-
 quo.

De dispositione corporum pro thermis nostris in genere.

NOta erunt omnibus practicis incommoda, quæ superveniunt iis, qui sine omni dispositione balnea simplicia intrant; multò majora acciderēt incommoda, si quis indispositus nostras ingrederetur thermas; ita ut si quis fructum aliquem ex nostris velit haurire thermis, necesse est, ut corpus disponatur, ac impedimenta naturæ auferantur. Cum autem quilibet practicus corpora optimè disponere nescit, idcirco dum chartæ & atramento parco, vos ad illos mitto; duntaxat hîc nonnullos monere cogor, ut si non sacco (dolendum

dum enim est hominem hominī
 dæmonem esse : & argenti causa
 tot innocentes perimere, ut jure
 Poëta : quid non mortalia pe-
 ctora cogis auri sacra fames) sal-
 tem corpori patientum parcant,
 quī per medium, imò per inte-
 grum annum corpus disponunt,
 unam post alteram medicinam
 ingerendo, tot purgantia repe-
 tendo, cū non semper illis o-
 pus sit, non enim omnis materia
 per alvum tendit, cū autem
 naturæ inclinationem sequi de-
 beamus; hinc si materia ad pe-
 ripheriam inclinet, disponere o-
 portet diaphoreticis; si ad vesi-
 cam diureticis; si inclinet per
 vomitum emeticis; si per sangui-
 nis profluvium, ejus evacuatio-
 nem promoventibus; si per bu-
 bones, abscessus aut ulcēra in-
 par-

partibus ignobilioribus, illuc trahentibus, ne dum natura salubriter materiæ, per loca convenientia, tentat evacuationem, per medicamenta purgantiæ eandem concentremus, & sic hominem occidamus. Diligenter igitur dispositio corporis sollicitanda; & an purgatio, an venæsectio celebranda, lynceis oculis attendendum: quod nos Avicennas quart. prim. cap. 4. docet, inquiens: cum autem unus humor superabundat, purgatio tunc necessaria est; si verò omnes, incisio venæ: idem dicit divinus senex Hippocrates 2. aph. 8. æquales humores venæsectione, inæquales purgatione evacuandos esse. Quamvis sæpius ex ignorantia utrumque practice-tur, supponentes in corporibus

lar-

largè viventium utrumque ut-
 plurimum reperiri; & si utrum-
 que practicandum sit, venæsectio
 purgationem præcedat, evacua-
 tio enim universalis particula-
 rem præcedere debet, teste au-
 tem Vallesio venæsectio magis
 universalis est purgatione; acce-
 dat missionem sanguinis melius
 ad purgationem ad sanguinis
 missionem præparare, laxando
 nempe vias, per quas maximè
 corpus expurgandum. Qui plura
 desiderat, adeat universalis me-
 dicinæ opera. Pauli de Sorbait
 Phil. & Med. Doctoris ac Profes-
 soris primarii Viennensis, sacre
 Imperatricis Eleonoræ, Viduæ,
 Medici, &c. fol. 123. Pro coronâ
 de hujus tractatus.

Quæres: Utrum benè faci-
 ant Medici, negantes sui esse of-
 ficii,

ficii, universam medicinam exercere: qui puerorum morbos mulierculis, dentium dolores tonsoribus, ulcera, vulnera, collectiones chirurgis, oculorum vitia circumforaneis, ramicem seu rupturam circulatoribus, puerperarum morbos obstetricibus, Gallicam luem impostoribus, luxatos, fractosq; articulos carnificibus, thermas artificiales balneatoribus relinquunt? Respond. eos nec Hippocratem, nec Galenum, nec Avicennam imitari, qui universa medicinæ præcepta ad amussim tradiderunt; hinc Galenus, in primis artis curativæ libris, totam curandi methodum à chirurgica ratione assumpsit: unde etiam ossa è capite, lenticulari ferro, absque terebratione, extrahendi

artem


artem docuit : herniam , puer-
 perarum , infantumque passio-
 nes accurate descripsit : idem
 fecerunt reliqui. Qua igitur
 conscientia hanc agendi provin-
 ciam rudissimis deceptoribus
 tradere aut committere pote-
 runt ? Verum dicent fortasse ,
 sufficere , si se spectatores præ-
 beant , & victus rationem præ-
 scribant Respond. cum Paulo
 deSorbaît, olim præceptore meo
 honoratissimo : non esse specta-
 tores , sed potius discipulos , qui
 rei substantiam ignorantes , im-
 postorum leges sequi coguntur :
 & quomodo veram ordinabunt
 diætam , cum nullam affectus ha-
 beant cognitionem ? Mutilus i-
 taque est Medicus , qui omnia
 prædicta propriis manibus , & in-
 dustriâ perficere sibi non confi-
 dit ;

dit; longèq; honestiùs & laudabiliùs est, ut sit actor, quàm spectator; agenda omnia jubeat, quàm jubeatur; quia autem, præter reliqua in nostra Wratislavienſi civitate difficultatem, non minimam video in curanda lue venerea, ita ut vix medicus sit, qui illam aggredi tentaret, imò cum non diu hominem aliàs egregium, lue venerea laborantem, curassem, à medico verba multa faciente, sed parùm præstante admonitus, ne similia aggrederer, cui risu dixi, quæ huic chartæ non insignanda; cùm inquam non minimam difficultatem in curanda lue venerea video, animus mihi est methodicam curam, quæ multis profuit, neminem læsit
(non

(non enim violenta est) in lucem edendi, cui similem non invenies, etsi omnia medicorum scripta hactenus edita pervolveres. Et his promissis tractatum meum concludo.

*Meritò itaq; sit Benedictus
DELLS, ex cujus inexhausta munificentia hocce nobis innotuit
medicamentum.*





Index rerum.

A.

<i>Abortus cause.</i>	63
<i>Aliorum autb. Th. constant. vel solis mineralibus, l. cum herbis.</i>	5
<i>Aluminis historia.</i>	25
<i>Andernaci Guintherii Tb. artific.</i>	4
<i>Antimonium Autoris quid.</i>	17
<i>Antimonii historia.</i>	26
<i>Arsenici correcti historia.</i>	27
<i>Arsenicum incorrectum non usurpandum.</i>	ibid.
<i>Arsenici vera correctio secreta.</i>	ib.
<i>Artifex mutare debet therm. artific. secundum cursum siderum.</i>	10
<i>Astronomus esse debet preparator thermarum.</i>	18
<i>Autoris admonitio.</i>	47.48
<i>Author multos thermis art. curavit,</i>	

vit, quos naturales non cura-
runt. 8

*Authoris therma VII. habent mi-
neralia.* 10

ad huc sunt in summo arcano. 11
*thermarum mineralia expo-
nuntur.* 12

labor ab aliis diversus. 14

B.

Baurach quid. 29

*Bononiae experimentum factum oc-
cid. glires.* 14

*Butyrum contra mures & gli-
res.* ibidem.

Butyri hujus experimentum. 15.

C.

Calculi remedium. 57

Capivacii Hieronymi tb. artific. 3

Catharrus quid. 49

*Causa cur practici naturales ther-
mas amant.* 5

Cerberus chymicus quid. 29

Coli-

<i>Colicos dolores ac flatus tber. auth.</i>	
<i>discutiunt.</i>	<i>51. seq.</i>
<i>Compositum an retineat vires simp-</i>	
<i>plicium.</i>	<i>35</i>
<i>Concretum authoris quid.</i>	<i>17</i>
<i>Corporis dispositio diligenter sollici-</i>	
<i>tanda.</i>	<i>67</i>
<i>Correctionem arsenici author sibi</i>	
<i>servat.</i>	<i>27</i>

D.

<i>Declaratio ingredientium tb. au-</i>	
<i>thoris.</i>	<i>17</i>
<i>Definitio rheumatismi.</i>	<i>40</i>

F.

<i>Ferri historia.</i>	<i>28</i>
<i>Fuchsi Leonbardi tberma ar-</i>	
<i>tif.</i>	<i>1</i>
<i>Furor uterinus inter affectus ma-</i>	
<i>tricis numerandus.</i>	<i>62</i>
<i>differt ab hysterica passione. ib.</i>	
<i>E</i>	<i>unde</i>

unde originem trahat. *ibid.*
qui illo affectu laborant. *ibid.*

G.

Galenus totam curandi methodum
à chirurgica ratione assum-
sit. 69

Gonorrhœa non semper à conta-
ctu venereo oritur. 60

curant illam *ib.* aut *b.* *ibid.*

Guintberii Andernaci therma ar-
tif. 4

Guilelmi Rondeletii *ib.* art. 5

H.

Hieronimi Capivacii therma art. 3

Historia aluminis. 25

antimonii. 26

arsenici correcti. 27

ferri. 28

nitri. 29

plumbi. 30

salis. 31

Sul-

<i>sulphuris.</i>	33
<i>vitrioli.</i>	34
<i>Hysterica passio unde originem tra-</i> <i>bat.</i>	61

I.

<i>Fecur calidum habentes, cur ven-</i> <i>triculum frigidum obtineant.</i>	39
<i>Influxus coelestis considerandus in</i> <i>tb. art.</i>	5
<i>Joannis Guintberii Andernaci tb.</i> <i>art.</i>	4
<i>Michaëlis tb. artif.</i>	3

L.

<i>Labor authoris thermarum diver-</i> <i>sus ab aliis.</i>	141
<i>L. conbardi Fuchsii therma artif.</i>	

M.

<i>Medicus esse debet preparator ther-</i> <i>marum.</i>	18
<i>dogmaticus quis.</i>	19
<i>E. a</i>	<i>empir.</i>

<i>empiricus quis.</i>	<i>ibid.</i>
<i>methodicus quis.</i>	18
<i>Paracelsista quis.</i>	19
<i>mutilus quis.</i>	70
<i>Medici utrum benè faciant, negantes sui esse officii, universam medicinam exercere.</i>	68. seq.
<i>Medicina universa præcepta qui tradiderint.</i>	69
<i>Medium occidendi quodcunque animal.</i>	14
<i>Medii hujus experimentum.</i>	15
<i>Metallum unum potest in alterum mutari.</i>	14
<i>Mischaëlis Joan. tb. artif.</i>	3
<i>Minera semper nova inveniuntur.</i>	23
<i>Mineralia tb. autb. sunt VII.</i>	11
<i>declaratio.</i>	17
<i>quomodo generentur.</i>	20
<i>non habent sperma diversum.</i>	21
<i>habent pro spermate vaporem humidum.</i>	<i>ibid.</i>
	<i>Mo-</i>

<i>Modum corrigendi arsenicum au-</i> <i>thor sibi servat.</i>	27
<i>Mutationes tres qualibet tberma</i> <i>admittunt.</i>	10
<i>Mutilus medicus quis.</i>	70

N.

<i>Natura mutat naturales tb. juxta</i> <i>cursum siderum.</i>	9
<i>Nitri historia.</i>	29

P.

<i>Philosophus esse debet preparator</i> <i>tberm.</i>	12
<i>Philorum curant tberma autho-</i> <i>ris.</i>	58
<i>Philtro correpti exemplum adduci-</i> <i>tur.</i>	ibid.
<i>Plumbi historia.</i>	30
<i>Plumbum authoris quid.</i>	17
<i>Pseudomedicorum numerus infi-</i> <i>nitus.</i>	61
<i>Purgatio quando sit necessaria.</i>	67

R.

<i>Remedium contra calculum.</i>	55. seq.
<i>Rheumatismi definitio.</i>	40
<i>Rondeletii Gulielmi tb. artif.</i>	5

S.

<i>Salis historia.</i>	31
<i>Scorbutus quid.</i>	54
<i>Sol quomodo fiat.</i>	23
<i>Sperma mineralium non diver-</i>	
<i>sum.</i>	21
<i>est vapor humidus.</i>	ibid.
<i>Sphaera planetarum exponitur,</i>	12
<i>Sterilitatem remouent tb. autho-</i>	
<i>rio.</i>	62
<i>qualis ad illam vitandam debe-</i>	
<i>at esse proportio inter mari-</i>	
<i>tum & foeminam.</i>	ibid.
<i>Sulphuris historia.</i>	33

T.

<i>Therma artif. Hieron. Capivacii.</i>	3
<i>Joannis Michaëlis.</i>	ibid.
<i>Guin tb. Andern.</i>	4
<i>Leon-</i>	

Leonhardi Fuchsi. 7

à modernis pract. cur parvi a-
stimentur. 5

sunt præstantiores natural. 6. 10
habent, quod naturales non ha-
bent. 7

aliquando malè preparantur. 8
præscribantur. ib.

mutanda secund. cursum fid. ab
art. 10

authoris VII habent mineral. ib.
ad huc sunt in summo arcano. 11

mineralia exponuntur. 12

declaratio ingredientium. 17

virtutes. 42

legitima ab illegitimis unde
cogn. 47

Therma auth. dolores ac flatu co-
licos discutunt. 51. seq.

icterum curant. 53

conveniunt in morbo scorbuti-
co. ib. seq.

sunt remedium contr. calcul. 57

E 4 Ther.

<i>Therma autb. philtrum curant.</i>	58
<i>Gonorrhœam non solum curant;</i>	
<i>sed etiam ab illa preserv.</i>	60
<i>furori uterino auxilio sunt.</i>	61
<i>sterilitatem remouent.</i>	62
<i>utero gerentes an illis uti aude-</i>	
<i>ant.</i>	63
<i>quid illis sit faciendum, qui fru-</i>	
<i>ctum ex his thermis velint</i>	
<i>haurire.</i>	65
<i>Therma natur. in anno bissextili</i>	
<i>sunt noxiæ.</i>	7
<i>mutantur secund. cursum sid. æ</i>	
<i>natura.</i>	9
<i>qualibet trib. mod. mutanda.</i>	10

V.

<i>Vena sectio quando sit necessaria.</i>	67
<i>magis universalis est purgatione</i>	68
<i>Venus quomodo fiat.</i>	23
<i>Virtutes Thermarum auctoris.</i>	42
<i>Vitrioli historia.</i>	34
<i>Vitriolum auctoris quid.</i>	18
<i>Utero gerentes an th. aut. uti audeant.</i>	63
<i>quando sint medicanda.</i>	64



APHORISMI MEDICI

à

*Johanne Horatio Molitor,
Philosoph. & Medicinæ Doctore,
magnâ industriâ conscripti.*

Caput I.

1. Boni Medici est, præter ea, quæ religioni necessaria sunt, non multos ægros (multò minùs externa) suscipere. Variis enim morbis ut mens opprimitur, ita corpus fatigatione continuâ marcescit.

2. Prudentis Medici est, insanabiles ac desperatos morbos non curare, ne hominem occidisse, qui forte suâ interiturus erat, existimetur.

3. Dubias valetudines, sine certa tamen desperatione suscipiat, ne

cessariis tamen indicare oportet,
rem in difficili esse: alioquin vel
artem malo vinci, vel te errasse in-
dicio sit.

4. Satiùs est tamen omnibus in re-
bus anceps auxilium experiri,
quàm nullum, plurimorum sen-
tentiâ.
5. Quæ natura salubriter & probè
operatur, ea medicum imitari o-
portet.
6. Non satis est, Medicum suum fe-
cisse officium, nisi suum quoque
ægrotus, suum astantes faciant,
sintq; externa ritè comparata.
7. Decet Medicum ægri consuetudi-
nem cognoscere in sanitate, ut
cùm res ipsi sano placentes agno-
verit, eas illas promittat, cùm ab æ-
gritudine correptus fuerit.
8. Qui, quò morbum levet, nihil præ-
termittit, & secundum artē omnia
gerit

gerit, probi Medici officium fecit, etiam si non omnia semper respondeant. Neque enim orator semper persuadet, tamen ubi, quod artis suæ est, fecerit, oratoris munus explevit.

9. Discordantium in medicorum turba ægrotantes multos ducit ad interitum. Mutua verò ipsorum convenientia quàm plurimos ad sanitatem reducit.

10. Plus mali à medicamentis, quàm à morbo, si eo modo, quo debent, non applicentur. Optimum enim remedium est, aliquando nullum medicamentum adhibere.

11. Sufficit, ut quis dicatur occisor ægroti, si eo modo, quo debuisset, morbum non sit aggressus.

12. Potentum, & delicatiorum inobedientia, ac inopum penuria, sæpe numerò Medicos à rectè agendis distrahunt.

13. Parcitas in laxando, ac in reficiendo liberalitas, duo sunt, quæ Medicum sæpè à detractorum calumniis liberum reddunt.

14. Unum hoc Medicus rectè agit, quod rectè cognoscit.

15. Omnis cognitio est per causas, medicus igitur causarum imperitus minimè verus medicus censendus.

16. Multæ ægritudines suâ naturâ sanabiles ægri negligentia & errore, consilia medicorum saluberrima respuentis, fiunt incurabiles.

17. Vehementi malo, vehementi omninò auxilio opus est.

18. Succurrendum semper parti maximè laboranti.

19. Histrionis est, exigui momenti morbum attollere; quo plus exinde præstitisse videatur.

20. Me-

20. Medici officium est, ut tutò, ut celeriter, ut jucundè curet. Verum periculofam esse constat nimiam festinationem, & voluptatem.

21. Peregrina remedia semper quære & pretiosa duntaxat, impudentis est ostentationis.

22. Catharticis uti venenatis periculofum est; unde ad testamentorum insidias sæpè oboritur occasio, in qua re, & officinarum fides necessaria est.

23. Ægrotantis proprietates nosse oportet, quæque amica, quæque inimica sint, intelligere.

24. Alienam miseriam pudoris sociam indicare nefas est.

25. Nec cuivis præsidium profitenti valetudinis desiderio statim credatur: solis medicis occidendi impunitate relictâ.

26. Carnificis est pendentibus fatīs,
& inter ipsos cruciatus ingens
præmium expectare: vel morbum
protrahere, vel duntaxat emove-
re, ubi extrahere omnino opus
est.

27. Barbari benè merentibus gratiam
non referunt, & valetudine con-
flictati multa promittunt, ad vitā
exinde revocati conviciis invicem
prosequuntur.

28. Famosi veneni vires, aut abor-
tiendi modum; vel quæ conce-
ptum inhibeant, indicare scelus
est.

29. Dubiæ valetudini assidere Medi-
cus debet & arteriarum pulsu vi-
res perquirere, cæterasq; notas
inspicere, quin & fideralis scien-
tiæ haud ignarus sit, necesse
est.

30. Cùm malorum futurorum inevi-
tabilium ignoratio utilior sit,
quàm

quàm ipsorum scientia: deterio-
ra accidentia superventura ægro-
tantibus ipsis haudquaquam de-
bent prælagiri.

31. Ægro, quæ bona sunt auguria,
denunciari debent; si quid ta-
men mali minatur infirmitas, ne-
cessariis tantum significare fas
est.

32. Simplicium effectus tenere summa
cura debet, ex quibus composita,
& nobilitatis & plebis auxilia, in-
ventu etiam facilia habentur.

33. Periti medici manum non pro-
nus ut veniunt, apprehendunt:
sed primum hilari vultu resident.
Sermone leni sollicitudinem sub-
movent. Nam & medici conspe-
ctus, ac alia multa de facili vena-
rum ratione turbant.

34. Variis auxiliis morbus expu-
gnandus est, alioquin consuetu-
do naturam facit.

Caput

Caput II.

35. Quorum morborum cura adeò difficilis est, ut facilè evelli nequeant, cum bono præfagio ipsorum curam attentabis, & levando dolorem patientis vitam ad tempus prolongabis.
36. Scire ergo oportet: si virtus non remaneat ad horam usque status morbi, ægrotum mori contingit ex illa ægritudine.
37. Virtutis debilitas, morbi magnitudo, materiæq; peccantis indigestio sine crisi, subitam ægri mortem minantur.
38. A prima die morbi in singulis quaternis diebus ipsius morbi signa, atque morbum ipsum considerare oportet; quoniam ex his duobus non solum principii tempus cognoscere licet; verum etiam sæpius, quo tempore morbus ipse finietur.

39. A liene morbi fiunt diuturni & melancholici, à vesicula autem fellis, breves oriuntur & acuti.

40. Quæ præsentem sanitatem ostendunt, diagnostica signa dicuntur; quæ futuram prognostica; quæ præteritam anamnistica. Major tamen utilitas est diagnosticorum & prognosticorum, quàm commemorantium.

41. Cordis tremor assiduus subitam mortem minatur; sensus verò membrorum deperditio paralyfis.

42. Intensus capitis dolor, cum rubente facie, phrenesin prognosticat; facies verò rubra tumens, & ad fuscedinem declinans, lepram futuram prælagit.

43. Ex stranguria iliacus dolor in septimo hominem rapit, nisi febris cum sudore præsidium adferat.

44. Ti-

44. Timor & tristitia multa, quorum causæ ignorantur, melancholiam demonstrant.

45. Quoniam febrilis calor per arterias & venas febricitantium graditur, ipsorum urinas oportet considerare: circa ventrem dolentium egestionem; pleuritico-
rum sputa.

46. Solita juvare si juvant, bona est eorum significatio; si verò non juverint decenter exhibita, morbi exitus formidandus est.

47. Facile solvitur morbus, si robur virtutis adsit: imbecilli verò facta, citò mors accelerat. Ob id virtutis robur ex propriis operibus oportet præcognoscere & præsertim ex iis, quæ sunt secundum pulsus.

48. Ut enim corporis affectus se habet: sic pulsus arteriæ cordis motibus incitatur.

49. Un-

49. Undosus pulsus atque insigniter mollis futuros sudores indicat, creber, celer, magnus, simul æqualis ephemeram; si aliquantò durior hecticam, si simul turgidus, plenus, ac vehemens synochum simplicem, si simul inæqualis pumonstrat.

50. Rarus, tardus, & parvus indicat frigidum morbum; si simul inæqualis, humorum crassorum contritam depiam obstruentem.

51. Pulsus in calida complexione magnus est, celer, & frequens; in frigida parvus & tardus; in humida profundus, latus, inæqualis, & mollis: in sicca, angustus & durus.

52. Ægritudines hyeme nutrimentum capientes, in æstate finiuntur; quæ verò in æstate creverint, nisi infra dierum circuitum absolvuntur, terminantur in hyeme. Vernorum morborum autumnus liberator est; Ver autem autumnalum.

53. In

53. In morbo stomachi certius signum ex egestione, quàm ex urina sumitur.

54. Quibuscunque mulieribus ad mammas sanguis colligitur, furorem significat.

55. Si nares acutæ sint, oculi concavi, collapsa tempora, frigida contractæque aures, & imis partibus leniter versæ, cutis circa frontem dura, intenta, & arida, totius faciei color niger, aut pallidus, aut livens, aut plumbeus, malum; multoque magis si neque vigilia, nec ventris resolutio, neque inedia præcesserit.

56. Indicia mortis sunt ungues digitique pallidi, frigidus spiritus, aut si quis in veste floccos colligit, vel in adjuncto pariete, si quæ minuta eminent, carpit.

57. Do-

§ 7. Dolores circa coxas & inferiores partes orti, si ad viscera transierint, subitoq; desierint, mortem subesse testantur, magisq; si alia quoque signa accesserint.

§ 8. Cui sano subitus dolor capitis ortus est, ac somnus profundus accessit, sic ut stertat, nec expergiscatur, illi intra septimum diem pereundum est, magisq; si eum alvus cita non antecefferit.

§ 9. Ubi ægrotus pedes, brachia, cervicem inæqualiter dispergit, ac nudat, neque iis calor subest, mali morbi signum est. Grave quoque est, si se ipsum æger continere non valens ad pedes subinde delabatur.

§ 10. Stomachus cui doluerit, & acutè februerit, si in dextro pede pustula ei enascatur acerrima, & nullum desiderium habuerit, septimo die moritur.

61. Ti-

61. Timere quis debet, si crebra ulcera oriuntur, si corpus contra consuetudinem incalescit, si gravior somnus premat, si tumultuosa somnia adsint, si sæpiùs expurgiscitur aliquis, quàm consuevit, deinde iterum soporatur; si corpus dormientis circa partes aliquas contra consuetudinem insudat, maximeque circa pectus, aut cervicem, aut crura, aut genua, vel coxas.
62. Spontaneæ lassitudines morbum denuntiant.
63. Sternutamentum inter bona indicia est, sic & cupiditas cibi, vel à primo servata vel etiam post fastidium orta.
64. Oblivio, quæ sanis sponte provenit, comitiales morbum, aut lethargum, aut apoplexiam denunciat.

65. Innata malitia figuræ nunquam adultis corrigitur, in crescentibus verò rarò.
66. Meatus innaturalis, qui diu manavit, ut in fistulis antiquis, absque timore gravioris incommodi, nisi manatio consueta derivetur ad proxima, obturari non potest.
67. Eos, quibus egestionis & urinae superfluitates diutius retinentur, lumborum aut circumjacentium membrorum passiones incurrere necessum est.
68. Inter anni partes, si hyems sicca & aquilonia; Ver pluviosum & australe fuerit, æstate necesse est febres acutas fieri & ophthalmias & dysenterias, mulieribus præsertim & viris natura humidioribus.
69. Cùm æstas sit similis veri, sudores in febribus multos expectare oportet.

70. Contra verò si australis hyems,
& pluviosa & tepens fuerit, ver
siccum & aquilonium, mulieres,
quibus partus in ver incidit, qua-
vis occasione abortiunt, aut si
pariant, tam infirmos & morbo-
sos partus edunt, ut vel statim ipsi
intereant, vel tenues & valetudi-
narii vivant. Cæteris dysenterix
& ophthalmix sicca fiunt, & se-
nibus catarrhi perniciem brevi
allaturi.

71. Si ver pluviosum fuerit, & incon-
stans aëris mutatio, æstate expe-
ctare oportet pustulas ulcerosas
plurimas, variolas, tubercula,
abscessus, phrenesin, & omnis ge-
neris febres, quæ nulla ventris so-
lutione curantur.

72. Æstate verò sicca & aquilonia;
Autumno pluvioso & australi, ve-
hementes capitis dolores in hye-
mem & tusses, raucitates & grave-
dines, nonnullis etiam tabes ex-
pectanda,

73. Aquilonio & sicco Autumno,
hominibus naturâ humidis & mu-
lieribus commoditas parabitur.
Alios ophthalmiæ siccæ & febres
partim acutæ, partim longæ,
quosdam etiam melancholiæ, ma-
lè habebunt.

74. Morbi verò ipsi, & anni tempo-
ra; & periodorum inter se pro-
portionis observatio, sive ex quo-
tidiè, sive alternis, sive majori in-
tervallo fiant, paroxysmos, &
statum morborum indicabunt.

75. Quo in morbo somnus laborem
adfert, mortiferum est: si verò le-
vationem, minimè lethale.

76. Qui parte aliqua corporis dolent,
& dolorem non sentiunt, iis mens
ægrotat.

77. Qui natura sunt valdè crassi, bre-
viore vita fruuntur, quàm qui
graciles.

78. In temporibus cū eodem die
modo calor, modo frigus, autu-
mnales morbi expectandi.

79. Auster auditum hebetat, cali-
ginem visui obducit, caput gra-
vat, membris tarditatem & lan-
gvorem conciliat: cū itaque is
increbrescit, talia invalidis acci-
dunt.

80. Aquilo tusses movet, fauces ex-
asperat, alvum indurat, urinam
supprimit, horrores excitat, late-
ris & pectoris dolores facit. Hoc
itaque dominante talia infirmos
expectare oportet.

81. Magnis siccitatibus fiunt febres a-
cutæ, quod si annus talis esse per-
gat, qualem temporis statum effe-
cerit, tales ferè morbos expectare
oportet.

82. Ex tempestatibus anni in univer-
sum siccitates assiduis imbribus
salubriores, & minus mortiferae.

83. Affi-

83. Assiduis imbris morbi ferè fi-
unt, febres longæ, fluxiones alvi,
putredines, epilepsiæ, apoplexiæ,
anginæ, siccitatibus autem morbi
tabifici, ophthalmiæ, articulorum
dolores, urinæ & intestinorum
difficultates.

84. Quotidianæ tempestates Aequi-
loniæ cogunt corpora, firmant-
que, mobilia item, expeditiora-
que & coloratiora, & auditu va-
lentiora reddunt, alvum siccant,
oculos mordent, &, si pectus do-
lor aliquis prius habuerit, exasperant.

85. Contra Austrinæ eadem solvunt;
& humectant, auditum hebetant,
caput gravant, vertiginem oculis,
tarditatem & languorem corpori-
bus adferunt, alvum hume-
ctant,

Caput III.

86. Naturarum diversitas potissima causa est, cum longitudinis, tum brevitatis vitæ. Sunt enim, qui ab ipso ortu adeo improspere corporis statu, ut ne, si Æsculapium quidem ipsum iis præfeceris, vel quadragesimum annum videant.
87. Naturarum diversitas potissimum in causa est, cur ab iisdem cum adjuventur, tum lædantur homines.
88. Morbi hæreditarii, licet ut plurimum inextirpabilis existimentur esse radices: tamen ne in deterius pullulent, convenienti victus moderatione prohibere possumus.
89. Hæreditarius morbus censendus est, si utroque parente, eodem morbi genere laborante, conceptus infans morbidus edatur, U.
no

no enim parente existente sano;
alterius seminis defectus corrigi
poterit, ut in infantem hæredita-
riè morbus non transeat, ut expe-
rientia sæpè docet, quam negare,
nimis sophisticum est.

90. Quod ad tempora verò pertinet;
Vere & prima æstate pueri, & his
ætate proximi, optimè degunt, va-
lentque maximè. Æstate verò
& autumnus ad aliquam usque par-
tem senes. Reliquo autumno &
hyeme, qui mediam ætatem a-
gunt.

91. Quilibet in quibusvis tempori-
bus morbi fieri possunt: nonnul-
li tamen in quibusdam magis, tùm
fiunt, tùm irritantur.

92. Vere enim insania, melancholia,
epilepsia, fluxiones sanguinis, an-
ginæ, gravedines, destillationes,
tusses, lepræ, impetigines, vitili-
gines, & pustulæ, ulcerosæ pluri-

mæ, tubercula, articulorum dolores.

93. Æstate verò nonnulli horum, & febres continuæ, ardentes, & tertianæ plurimæ, quartanæ item, & vomitiones, alvi profluvia, ophthalmiæ, aurium dolores, oris ulcerationes, genitalium putredines & sudationes.

94. Autumno æstivi etiam multi morbi, & febres quartanæ & incertæ, lienis tumor, aqua intercus, tabes, urinæ difficultas, intestinorum levitas, coxæ dolores, angina, anhelatio, intestinorum parte quapiam coarctatio, epilepsia, infantia, melancholia.

95. Hyeme pleuritides, peripneumoniæ, lethargi, gravedines, raucitates, tusses, pectoris, laterum & lumborum dolores, cephalalgia, vertigines, apoplexiæ.

96. Secundum ætates autem hi morbi fiunt; parvis & nuper natis puerulis, oris ulcera, vomitiones, tusses, vigiliæ, pavores, umbilici inflammationes, aurium humiditates.
97. Adventante dentitionis tempore, gingivarum pruritus, febres, convulsiones; alvi profluvia, maximè cum caninos edunt dentes, & iis præsertim, quæ crassissimi sunt, & qui alvo sunt dura.
98. Ipsis verò grandiusculis, tonsillarum inflammationes, vertebræ in occipitio, introrsum luxationes, anhelationes, calculi, lumbrici rotundi, ascarides, verrucæ pensiles, satyriasmæ, stranguriæ, strumæ, & alia tubercula, præcipuè verò ante dicta.
99. Adolescentibus, sanguinis expuitiones, tabes, febres acutæ, epilepsiæ, aliiq̃ue morbi, sed præcipuè nunc dicti.

100. Senibus spirandi difficultates, destillationes cum tussi, strangurix, dysurix, articulorum dolores, nephritides, vertigines, apoplexia, cachexia, pruritus totius corporis, vigiliæ; alvi, oculorum & narium humiditates, visus obtusior, glaucomata, auditus hebetior.

Caput IV.

101. Diætetica Medicina præstantior est pharmaceuticâ & chirurgicâ.
102. Qui rectâ vietus ratione utuntur, nec vomitu, nec alvi purgatione indigent.
103. In ipsis exacerbationibus cibum adimere oportet, nam præbere noxium: & cum per circuitus redeunt morbi, in ipsis accessionibus abstinendum.
104. Æstate & autumnno cibum copiosior.

piofiores ferunt difficillimè,
hyemè facillimè, vere minus.

105. Eorum, quæ confertim & celeriter alunt, celeres etiam excretiones effe folent.

106. Paulò peior, fed fuavior cibus & potus, meliori quidem, fed ingrato præferendus. Quæcunque enim cum voluptate affumuntur, ifta ventriculus amplexatur, & magis concoquit; ficuti illa quæ displicent refugit, unde naufea, flatus & fluctuatio.

107. In morbi principio æger cibandus eft parcè, & victus hic eft tenuis; in augmento parcius & eft tenuior: in ftatu parciffimè, eftque tenuiffimus: & in declinatione modicè, ac modicus dicitur.

108. Æger tempore minoris afflictionis debet cibari: fic enim virtus circa materiam exuperantem mi-

nus est occupata, & cibum meliùs complectitur. Nonnunquam tamen in statu, ubi afflictio est intensissima, præsertim in corporibus, siccis, & facilè resolubilibus, cibum offerre cogimur, ne virtus prosteratur, ob immodicam spirituum ac caloris nativi resolutionem.

109. Corpora cholericæ, cùm sint sicca & emacida, ac valdè resolubilia, præsertim si in labore ac vigiliis vitam degerunt, statim sunt cibanda, etiam in ipso paroxysmo, & quacunque hora occurrit medicus. Si enim non confestim cibo reficiuntur & humectantur, tùm aut cadunt in syncopen, & moriuntur in paroxysmo, ob magnam resolutionem; aut fiunt confestim hectici, ob magnam exsiccationem.

110. Consuetudo etiam in præscribenda diætâ consideranda. Nam
cra-

crapulosis non temerè est inedia
injungenda, & tenuis diæta præ-
scribenda. Quicumque enim er-
ror committitur magnus, major in
tenuiori victu fit, quàm in ple-
niori.

III. Cùm ignem igni addere non li-
ceat, vinum propterea pueris non
gustandum: nam eorum capita
malo vapore replent, & calefaci-
endo mentem eorùm perturbant.

II2. Cibaria temperata, concoctu fa-
cilia, naturis senum præ cæteris
conveniunt.

II3. Subtilis substantiæ vinum prod-
est senibus; Omnia enim mem-
bra eorum calefacit, & sanguinis
serum subducit per urinam.

II4. Frigida, qualis nix & glacies, pe-
ctori inimica; tussés movent, san-
guinis profluvium, & destillatio-
nes.

115. Qui nimio cibo utuntur, corpora non augent.
116. Humidius alimentum, ut distribuitur citiùs, ita citiùs etiam evaporat.
117. Plus est alimenti in carne, quàm in ullo alio cibo.
118. Corpora humida parùm comedunt, plurimùm egerunt, difficulter curantur.
119. Præstat cum diæta potiùs curare, si fieri possit, quàm cum pharmacis.
120. Omne ferum animal domestico levius, & quodcunque humido cœlo, quàm quod sicco natum est.
121. Omne animal quadrupes, si lactans est, minus alimenti præstat.
122. Exercitatorum animalium carnes non exercitatorum carnibus saniores reputantur.
123. Men-

123. Mensæ brevitās & bonorum ciborum paucitas, magis quàm horum diversitas, sana corpora faciunt.

124. Tria saluberrima: non repleri nimium; exerceri absque defatigatione; ac genitale semen continere.

Caput V.

125. Principiis obstandum, & occasiones auxiliorum nunquam negligendæ.

126. A fortioribus morborum indicationibus, ipsorum curatio semper auspicanda est.

127. Quot sunt morborum species: tot sunt curationum variationes.

128. Corpus medicâ materiâ curatur: spiritus autem aëreus, sanguinis vapor, & quasi corporis & animæ vinculū, aëreis odoribus,

sonisque & cantibus temperatur
& alitur.

129. Ignorantibus gradum distemperaturæ corporum, aut medicinarum morbis appropriatarum, rectè curandi via iis prorsus concluditur.

130. Quoniam cùm pituitosum, tùm serosum excrementum in corporibus senum facilè colligitur, sæpiùs ipsorum urinas movere, & alvum solvere convenit.

131. Quanto gradu à medio corpus distemperatum distat: tanto gradu medicina contraria, ut ad illud reducatur, indiget.

132. Quæcunque jam factos curant affectus, hæc & antequam fiant prohibent.

133. Simplici morbo medela convenit in virtute simplex: composito autem, composita; nam secundum

dum causæ compositionem medela componi debet.

134. Non minùs ex animi , quàm ex corporis vitio morbi multi oriuntur, ea de re videndum est, antequam morbum curemus, è corporene, an ex animo nascatur infirmitas. A causis enim incipiendum est, ut arboris interitus non ex ramis: sed ex radice petatur.)

135. Maxima in medendo difficultas, cùm contraria auxilia indicantur.

136. In frigido morbo à vino haudquaquam abstinendum est. Concoquit enim id semicrudos succos, quantum aliud, tùm sudorem, tùm urinam permutat, ac somnum conciliat.

137. Tutiùs est mederi somno morbis, cibi què abstinentiâ, vel exercitio; quàm scammonio aut euphorbio.

138. Sæpè lavare caput & pedes cum aqua calida, in qua bullierint mellissa, folia lauri, chamomilla, & similia, memoriæ, capiti, & oculis valdè confert.

139. Semel, multum & repenti, vel vacuare, vel replere, vel calefacere, vel refrigerare, aut alio quovis modo corpus movere, periculosum. Omne siquidem nimium naturæ inimicum. Paulatim verò quod fit tutum, cum aliàs, tum maximè, ubi ab uno ad aliud facienda est mutatio.

140. Antequam purgatorium pharmacum offeras, cura priùs, ut humores sint tenues, & fluxioni parati, deinde ut sint æquati, hoc est, ut non sint crassi & lenti, postremò ut meatus sint aperti, per quos purgatio fieri debet.

141. In digerenda materia melancholica, duplex est intentio: una est attenuare, & dissecare humoris crassi.

crassitiem, moderatè tamen calidis, ne id, quod subtile est, resolvatur, & crassum in corpore relinquatur; altera est, humectare, & lenire humoris siccitatem, & terrestreitatem, sed in materia adusta utimur refrigerantibus, dissecantibus, & humectantibus.

142. Quando calor aliquis præter naturam adest, tùm diuretica quibusdam refrigerantibus, ne calor intendatur, temperentur: si enim calida mera offeruntur, tùm augeatur & febris & putredo.

143. Digestiva, aperitiva, diuretica, & omnia diaphoretica in aurora debent offerri. Tùm enim venæ remotæ epatis & meseraicarum, sunt inanitæ, & chylus in eis contentus tùm est concoctus.

144. Quando post usum digestivorum accidit vomitus, nequaquam deterrearis: Hoc enim indicat, materiam viscosam parietibus stomachi

machi adherentem, esse absterlam,
dissectamque.

145. Cholera æruginosa & prassinæ,
non expectant digestionem, sed
statim debent evacuari, tanquam
materia venenosa & furiosa.

146. In paratis ad phthisin, & in ca-
tarrho, non tutum est uti garga-
rismis attenuantibus, detrahenti-
busque pituitam. Sic quoque non
tutum est errhinis & sternutato-
riis uti in paratis ad ophthalmi-
am, oculorum lacrymas, & cata-
ractam.

147. Quando cum febris paralyfis
complicatur, tùm feбри princi-
pió curanda est, non neglecta ta-
men paralyfi. Ideò hñc usus sy-
rupi acetosi simplicis cum melle
rosato colato plurimum valet.

148. Vomitus lædit eos, quibus pe-
ctus strictum est, longum collum,
& spiritalia debilia, sic phthisicos
&

& insolitos vomere; præpingues
seu crassos, qui ad anginam, vel
sanguinis sputum parati sunt, &
quibus oculi sunt debiles, & ce-
rebrum infirmum.

149. In reconvalescentia palpebra-
rum inflatio, aut appetitus corru-
ptus, vel prostratus, aut frequens
nausea, aut stomachi inflatio, aut
si urina sedimentum non habet,
hoc signum est recidivæ.

150. In reconvalescentia, vini usus
optimè confert. Coitus verò de-
testatur.

151. Diæta reconvalescentium in hoc
consistit, ut restaurentur vires, &
humeætetur corpus.

152. Regimen convalescentium, tri-
bus completur intentionibus:
prima est, alterare dyscrasiam,
reli-

relictam; secunda, confortare,
principalia membra, & præci-
puè nutritiva; tertia materiam
relictam, seu de novo coacerva-
tam, digerere, & evacuarẽ.

F I N I S.



e.
a.
m
a



